

太  
康  
縣  
志

第一冊

地1501 179

42

100 4

劉盼遂纂

太康縣志十二卷

張伯英署檢



序

民國十九年冬鎮西銜命承乏太康下車伊始值戰事甫停閭閻凋敝瘡痍滿目時方竭智盡能救民水火之不暇文獻事宜固未遑也次年夏五主席劉公通令各縣成立志館以重文化迺亟檢校舊志實民國紀元前八十四年鄉先達戴公鳳翔宰斯土時所修鉅典久曠嗣續之舉詎容再緩遂邀邑中各當局並摺紳耆宿討論進行不佞承各界委重肩任館長百年絕緒責更莫貸幸邑人士出其民十七年初稿乃大體已具未付手民者於是羅才開館推郭君馨坡副余領館務並聘王君和卿益以幕友賀君望雲蕭君治成分任編輯適邑孝廉朱君靜山歸自淮館卽聘總其成相與廣事蒐輯嚴訂體例取資舊稿補闕正誤鎮西政務稍暇亦恒詣商權八閱月而志稿告成同人不敢自信則又敦聘息縣劉盼遂教授精加筆削期無遺憾凡此皆由馨坡君始終其事暨在館職員各矢辛勤以勦厥成鎮西亦籍以副省府之功令步先正之後塵矣抑予尤有感者此邑嚮稱富庶壤地數千方里編民五十餘萬徒以天災匪禍迭

## 太康縣志

序

相乘除蚩蚩之氓遂陷於蒙昧無識與貧困難堪之環境而不能自拔故予施政方針斤斤以興學爲先務蓋誠欲以教之者富之也孔子之論旣庶加富旣富加教誠以時代不同故治術亦異而望治之心則一也孔子又云三年有成予之蒞斯土屈指近三年矣向所揭興學之旨今檢閱過去之紀錄其教育民衆者尙居少數訓政時期轉瞬屆滿吾黨所期於全民政治已不易幾及而民生問題之解決前途更自渺茫然則斯編之成亦聊以志吾過而用自奮勵邦人君子且願與共策奮勵俾教而富者克底於有成以完成民有民治民享之建設也故於志之成並述其顛末而爲之序民國二十二年仲春月太康縣縣長永新周鎮西松圃甫撰



序

叙曰周官司會之職于郊野縣都掌其書契版圖之貳司書之職復掌邦國之版以知田野夫家六畜之數以逆群吏之政令懿後代邑乘方志之興蓋權輿于蒼姬之世矣又如外史掌四方之志注謂晉乘楚檣杙等非即地志通紀之始乎形方氏掌邦國之地域而正其封疆山師川師掌山林川澤之名原師辨原隰墳衍丘陵之名非即方乘輿地志之始乎訓方氏掌道四方之政事與其上下之志註謂四方諸侯也此非方乘政務志之始乎訓方氏掌誦四方之傳道大師之陳列國風詩此非方乘藝文志之始乎又如大司樂以成均之法治建國之學政而合國之子弟此即方乘學校志之所本也黨正掌屬民讀法以書其德行道藝閭胥之職值大比之年於民之敬敏任郵者則書之以待選舉此即方乘人物列女二傳之所昉也如是則縣志所有條例殆已應有盡有足知古聖王之嘉惠吾後人者至悉且備吾儕應何等奮厲而張皇之歟原太康之有志蓋始於明神宗萬曆二十七年己亥邑令雲中張爾基永昌沈再思先

## 太康縣志

序

一

後成之後六十年清世祖順治十六年邑令繁峙張懷璧續修八卷後三十八年清聖祖康熙三十六年邑令燕山朴懷寶續修十卷後六十四年清高宗乾隆二十六年邑令長白武昌國續修八卷今其書國立北平圖書館有藏本後六十七年清宣宗道光八年邑令都昌戴鳳翔續修八卷是後國家多故文教失揆降至民國十七年戊辰凡缺修者已一百年所矣歲在壬申永新周君松圃出宰太康政理之暇乃鳩僦志之舊稿新料介張教授邃青遠屬盼遂盼遂重遠其意諾之時東鯤興戎北地阡危爰與舍弟銘恕發篋陳書昕夕從事旋編旋印無慮十閱月獲潰厥續竟脫于炸彈唐克之厄亦云倖矣惟予於茲志之纂私意有可說者數事太康人文之盛盛於三國六朝爾時袁氏聯族以龍驤謝宗累葉而鳳舉門閥之峻殆莫與京袁謝二家譜牒載諸隋志丁唐代不振家牒俄空焉今特參酌羣籍略本之歐陽氏唐宰相世系表汪藻世說新語人名譜周嘉猷補南北史世系表諸書重譜袁謝二家昭穆次第以見白楊烏衣之盛概何氏之在典午世篤材桀雖亡也忽焉自一時之華宗也亦譜之如

袁謝例此前賢之所未暇者一也各地志乘例列八景不審昉自何時惟元人輯皇元風雅中載陳剛中有神州八景詩張天師有灤京八景詩各爲七言律詩八首知此風已盛行于元代太康戴志首繪八景圖詠爲歌臺流響靈塔晴光花萼春榮長山積翠蓮池夜月宿壘斜陽澗水秋瀾宋岡紅葉等八則是此無益史實徒耗子墨蓋勝迹本自天成各地顯有不齊苟嚴加檢討則一邑或一景而併無強爲假銜則一邑即百景可坐致此誠由歷來文士昧于史體徇弄伎倆非所宜有徑予剪伐此前賢之所未暇者二也方志中所謂藝文志向不過撮錄野寺之石刻諛墓之碑銘獻媚豪紳之壽序吟弄風月之詩詞靡切掌固取充篇幅已爾章學誠主於正志之外別立文徵一科余紹宋修龍游志承用章說別爲文徵若干卷可謂審于取舍者第此例施諸小邑寡民尙非不可若太康則李唐以前作者輩出詩文之今存者不下數十百卷黨別爲文徵附諸志後將無增尾大不掉之累其便未見今特于藝文一門約立四目曰著書目曰唐前文目皆注明出處以示不妄倘有酷嗜風雅者按圖索驥別編太

## 太康縣志

序

一

康文彙之書則不難俯拾即是更成偉觀也曰金石目古人所託以不朽後人所資以考古胥于金石是賴惟太康金石無多故別縣可出金石爲專門者今止附庸于藝文中爾曰文存詩存自宋以降距今較近其文不乏有關於今之政教可以展轉相印証者其辭采之修潔以否非所齷齪必較此前賢之所未暇者三也至若改選舉爲出身表本自盼遂創擬誠以舉貢射策足稱科第議會賢良方副選舉降至清末學校畢業軍伍效功繩以科第選舉均未膺合獨其爲出身之階則初無二致故今逕易爲出身表以期周匝至嘗試之底績抑折閱尙期於海內同志之詳加掣幾矣民國二十二年六月五日序於清華園工字廳劉盼遂

太康縣志

總目

卷首 叙文

圖片

縣全境圖 縣城圖 河圖流 修志館職員 縣黨部 縣政府 中山 公園 教育  
局 教育建設局 孔子廟 民衆教育館 林場 縣黨部平面圖 中山公園平面圖 縣立中學  
平面圖 九區富力比較圖

卷一 通紀

卷二 輿地志

卷三 政務志

卷四 教育志

卷五 藝文志上

卷六 藝文志下

卷七 職官表 附宦績略

太康縣志

總目

卷八 出身表

卷九 人物傳上

卷十 人物傳下

卷十一 列女傳


卷十二 縣志始末



# 太康縣城圖

五千分之一

例圖				
				州
				柵欄門
				人民團體
				黨政機關
				教會
				學校
				其他



天寧寺坑

坑王廟

大台坑

北門

東門

西門

南門

公共體育場

板太高小

孔子廟

第一小學

北順城街

西治民街

東治民街

菜市街

教育街

大

中

中

天主堂

女子學校

西大街

東大街

南順城街

縣政府

縣第一小學

南

平

街

街

街

街

街

街

街

街

街

街

街

街

街

街

街

街

內地會

會商

北寺友街

第一小學


中學校

中山公園

高小

真武廟

# 太康縣河渠圖覽一




尺例比  
5 0里 5 10 15



（日卅月四年一廿國民）影合員職館志縣縣康太



中國國民黨太康縣黨部



太 康 縣 政 府




太康縣中山公園



太 康 縣 教 育 局



太 康 建 設 局



太 康 縣 孔 子 廟



太 康 縣 教 育 館